



**IZGRADNJA POVJERENJA ZA
ODRŽIV MIR I POMIRENJE
MORA POČETI U ŠKOLI.**



KO SMO MI


Nansen dijalog centar (NDC) Mostar je nezavisna nevladina organizacija koja podstiče demokratske prakse i promovira dijalog između različitih nacionalnih skupina kao sredstvo za prevenciju i rješavanje konflikta u Bosni i Hercegovini.

Nakon što su ga nakon rata osnovali građani u težnji da obnove društveno tkivo svog grada, NDC Mostar je započeo s radom 1995. godine putem edukacijskog programa Nansen akademije iz norveškog grada Lillehammera. Registrirani smo kao nezavisna lokalna organizacija od 2001. godine i ostali smo član regionalne Nansen dijalog mreže.

Mi djelujemo u osobito kompleksnom političkom okruženju koje je pod snažnim uticajem medijske retorike pune predrasuda. Naš rad je uglavnom usmjeren na regiju Hercegovine, te posebno one zajednice koje su obilježene fenomenom „dvije škole pod jednim krovom“, najvidljivijim simbolom nacionalno podijeljenog obrazovnog sistema u Bosni i Hercegovini.

STVARANJEM PROSTORA ZA DIJALOG, IZGRADNJU POVJERENJA I PROMOVIRANJE PRIHVATANJA RAZLIKA, NDC MOSTAR TEŽI DA ZNAČAJNO DOPRINESE PROCESIMA MIRA, POMIRENJA I DRUŠTVENE KOHEZIJE U OKVIRU ŠKOLSKIH I LOKALNIH ZAJEDNICA U BIH.

Stvaranjem prostora za dijalog, izgradnju povjerenja i promoviranje prihvatanja razlika, NDC Mostar teži da značajno doprinese procesima mira, pomirenja i društvene kohezije u okviru školskih i lokalnih zajednica u Bosni i Hercegovini.



ŠTA MI RADIMO

Usvojili smo četverogodišnji strateški plan 2018. godine nakon niza razgovora i konsultacija sa partnerima, donatorima i interesnim skupinama (direktorima škola, nastavnicima, učenicima i predstavnicima vlasti). Strategija iznosi listu naših rezultata i omogućava nam da pretočimo našu viziju u praksu putem ovih ciljeva:

- Njegovanje povjerenja i konstruktivnih odnosa među učenicima, roditeljima, nastavnicima i školskim dužnosnicima različitih nacionalnosti putem integriranih obrazovnih programa u osnovnim/srednjim školama
- Jačanje društvene kohezije putem provedbe projekata u zajednicama, koji su zajednički označeni kao prioritetni. NDC Mostar djeluje u partnerstvu sa lokalnim zajednicama u skladu sa njihovim potrebama
- Omogućavanje strateškog dijaloga na temu integriranog obrazovanja između relevantnih vlasti i obrazovnih institucija



INTEGRIRANO OBRAZOVANJE

Naš program integriranog obrazovanja bavi se nedostatkom prilika za svrsishodnu interakciju učenika različitih nacionalnosti. Temelji se na dvije komplementarne komponente: Nansen model obrazovanja i Mirovno obrazovanje, koje su osmišljene prema specifičnostima zajednica u kojima radimo. Provodimo program Mirovnog obrazovanja u zajednicama koje su prvenstveno jednonacionalne, ali imaju i manjinskih grupa. Ove se aktivnosti oslanjaju na inovativne nastavne metode vezane za pomirenje i dijalog. Pomažu u borbi sa stereotipima i ojačava učenike znanjem i vještinama potrebnim da od njih stvore aktivne građane.

U zajednicama obilježenim postojanjem „dvije škole pod jednim krovom“, stvaramo prilike za integrirano obrazovanje putem našeg Nansen modela obrazovanja. Pomoću ovog modela, učenici koji inače ne bi imali priliku za interakciju uzajamno uče jedni od drugih. Izgrađuju svoje kritičko mišljenje i vještine komunikacije, kao i svoje shvatanje nacionalnih, vjerskih i kulturnih raznolikosti.

PUTEM OVOG PROGRAMA, DJECA U ŠKOLAMA RAZVIJAJU VJEŠTINE INTERKULTURNOG I KRITIČKOG RAZMIŠLJANJA, A NASTAVNICI DOBIJAJU PODRŠKU U OKVIRU SVOG PROFESIONALNOG RAZVOJA I JAČAJU SVOJE VJEŠTINE TRANSFORMACIJE KONFLIKTA.

Sve naše obrazovne aktivnosti se zajednički provode sa lokalnim nastavnicima i postaju integralni dio partnerskih škola. Naši dugoročni partneri u školama u Mostaru, Stocu i Prozor-Rami potvrđuju izniman pedagoški kvalitet naših programa i njihov doprinos pozitivnom školskom okruženju.





DRUŠTVENA KOHEZIJA

Iako izgradnja povjerenja i tolerancije mora početi u školi, znamo da se trajan mir može održati samo ako lokalne zajednice provode društvenu koheziju i zajednorade upravcu zajedničke budućnosti. Zato naši programi omogućavaju da učenici i njihovi roditelji, nastavnici i ostali članovi zajednice poduzmu zajedničke akcije na temelju zajedničkih prioriteta koji često uključuju:

- Renoviranje školske infrastrukture
- Rehabilitaciju zajedničkih prostora
- Pružanje podrške sportskim i kulturnim aktivnostima koje započnu mladi

Ove aktivnosti stvaraju povoljno okruženje za dijalog tako što osiguravaju da cijele zajednice iskuse pozitivne rezultate koje mogu donijeti različitosti i zajednički rad.

NAŠI PROGRAMI OMOGUĆAVAJU DA UČENICI I NJIHOVI RODITELJI, NASTAVNICI I OSTALI ČLANOVI ZAJEDNICE PODUZMU ZAJEDNIČKE AKCIJE NA TEMELJU ZAJEDNIČKIH PRIORITETA.





**NDC MOSTAR IMA ZA CILJ REFORMIRATI
OBRAZOVNI SISTEM, JER TO JE PREDUVJET
ZA MIRAN DEMOKRATSKI RAZVOJ I BOLJE
PEDAGOŠKE REZULTATE.**

STRATEŠKI DIJALOG O OBRAZOVNIM POLITIKAMA

Kako bi se prevazišle sadašnje podjele i poboljšao prosjek rezultata učenika, od vitalne je važnosti uspostaviti otvoren strateški dijalog na temu integriranog obrazovanja između relevantnih vlasti i obrazovnih institucija na svim nivoima u Bosni i Hercegovini. Međutim, ponavljanje neuspješnih reformi pokazuje da nema jednostavnog rješenja. Uvjereni smo da prevazilaženje ovih izazova zahtijeva postepen dijaloški proces uz široko učešće različitih aktera (nastavnika, direktora, dužnosnika, roditelja i zajednica) i nepristrasnih facilitatora sa prihvaćenim kredibilitetom i stručnošću.

Uporno izgrađujemo svoju ekspertizu vezanu za integrirano i mirovno obrazovanje i stvaramo snažne odnose sa obrazovnim interesnim skupinama i relevantnim institucijama. Budući da naš rad pokazuje da su progresivne promjene moguće i svrsishodne, podijelićemo svoja iskustva i rezultate sa ključnim akterima i donositeljima odluka, te ih okupiti da svi zajedno definiramo dugoročna i systemska rješenja. Naše iskustvo na terenu, snažni partnerski odnosi, tehnička ekspertiza i objektivan pristup ponudit će informacije izradi strategije i oblikovati akcije zagovaranja sa partnerima u civilnom društvu, akademijom i think-tank grupama.



KAKO MI RADIMO

Naše prostorije nude neutralan i otvoren prostor u kojem se različiti akteri mogu sastajati i oči u oči voditi iskrenu komunikaciju. Naš nepristrasan i konstruktivan pristup pomaže nam da stvorimo dugoročna partnerstva temeljena na povjerenju i ekspertizi sa različitim lokalnim i međunarodnim interesnim skupinama.

Uz ključne vrijednosti – dugoročnu posvećenost, nepristrasnost i integritet, NDC Mostar vjeruje da je dijalog najprikladniji pristup za osnaživanje ljudi koji žive u konfliktnim situacijama. Kao tim, težimo utjelovljenju vrijednosti tolerancije i različitosti i ponosni smo što možemo svoje znanje iz medijacije i obrazovanja staviti u službu zajednica kojima pripadamo.

UZ KLJUČNE VRIJEDNOSTI - DUGOROČNU POSVEĆENOST, NEPRISTRASNOST I INTEGRITET, NDC MOSTAR VJERUJE DA JE DIJALOG NAJPRIKLADNIJI PRISTUP ZA OSNAŽIVANJE LJUDI KOJI ŽIVE U KONFLIKTNIM SITUACIJAMA.





ŠTA SMO DO SADA POSTIGLI

Kao doprinos miru i demokratskom razvoju, NDC Mostar je do sad već uspio:

- Izraditi i uspješno provesti jedinstven nastavni plan i program za integrirano obrazovanje putem sedmičnih vannastavnih časova u 10 škola u Hercegoviačko – neretvanskom kantonu
- Obučiti učenike, nastavnike i roditelje za provođenje zajedničkih aktivnosti u školama i zajednicama
- Uspješno provesti više od 40 projekata u posljednje 3 godine, u koje je bilo uključeno nekoliko hiljada učenika, nastavnika i direktora osnovnih i srednjih škola, te predstavnika lokalnih vlasti
- Dokazati se kao pouzdan akter na izgradnji mira, između ostalog, i kroz uspostavljanje snažnih veza sa lokalnim akterima. Naš konstruktivan i uravnotežen pristup angažmanu različitih obrazovnih interesnih skupina rezultirao je formalnim priznanjem u vidu memoranduma o saradnji sa kantonalnim Ministarstvom obrazovanja

Planiramo nastaviti svoje dugoročne programe u Hercegovini i proširiti ih na Središnju Bosnu i entitet Republika Srpska.

KAKO MOŽETE IMATI KORISTI OD NAŠEG RADA

Studenti

Programi NDC-a Mostar daju vam prostor u kojem možete razvijati svoju kreativnost i vještine kritičkog mišljenja, kao i priliku da stvarate nova prijateljstva i učite iz interaktivnih vannastavnih aktivnosti kao što su video produkcija, ekologija ili IT, kao i učešćem u stručnim ekskurzijama i međunarodnim razmjenama.

Naši časovi i aktivnosti pomoći će vam da osjećate veće samopouzdanje i dobijete bolji pristup interesantnim prilikama mobilnosti i kreativnosti.

Nastavnici i škole

NDC Mostar vam nudi profesionalni razvoj u oblasti multikulturalnog obrazovanja, inkluzije i smanjivanja barijera. NDC Mostar otvara vrata za vaš daljnji profesionalni rast i pomaže vam da kreirate odgovarajuće i prilagođene materijale i pristupe za vaše učenike. Naši programi donose i širu korist partnerskim školama, jer im se nudi mogućnost unapređenja infrastrukture, nabavku IT opreme i materijala za učenje, te izgradnju i opremanje Nansen učionica.

KAKO MOŽETE IMATI KORISTI OD NAŠEG RADA

Roditelji

Vašoj djeci dajemo priliku da se uključe u vannastavne aktivnosti koje im dopuštaju da uče uzveću autonomiju. Naši časovi promiču inkluzivnu, raznovrsnu i kritičku komunikaciju i mišljenje. Pedagoški kvalitet naših programa koristit će osobnom razvoju vaše djece i povećati im šanse za uspjeh, kako u školi tako i na profesionalnom planu. Pored toga, roditelji imaju priliku pohađati radionice za poboljšanje komunikacijskih vještina i učenje o onome što su njihova djeca naučila.



Za lokalne zajednice

Naš rad u školama pomaže vašoj najmlađoj generaciji da razvije nove vještine, a naš rad izvan škole osjetno doprinosi lokalnom razvoju kroz popravak zajedničkih prostora ili organizaciju sportskih i kulturnih aktivnosti koje predvode mladi. Možete računati na to da je NDC Mostar lokalni i pouzdani partner koji će s vama raditi dugoročno.



ŠTA KAŽU NAŠI KORISNICI



NDC Mostar daje ogromnu podršku neformalnom obrazovanju naših nastavnika i učenika. Ova skupina entuzijastičnih, hrabrih i otvorenih ljudi ima sjajan uvid u sve relevantne probleme našeg obrazovnog sustava, te se na brižan i pošten način trude da nam pomognu. Bila mi je čast raditi s njima, prvo kao nastavnica tokom posjete Norveškoj, te kasnije kao stručna savjetnica Zavoda za školstvo organizirajući seminare i radionice. Također sam dobila priliku udružiti se sa svojim kolegama iz drugih pedagoških zavoda i Ministarstva obrazovanja u istoj misiji – osnažiti naše mlade da prepoznaju i preveniraju radikalizaciju i nasilni ekstremizam. I da ne spominjemo da uvijek mogu napraviti veselu atmosferu.

Marija Čavar, stručna savjetnica Zavoda za školstvo Mostar

Mirovno obrazovanje nam je jako važan, jer je to pristup koji će nas potaknuti na što bolji odnos. Cilj nam je da naši učenici steknu vještine koje će im pomoći u prevladavanju svakodnevnih životnih izazova, kao i poboljšati stavove, znanja i vještine učenika u procesima izgradnje mira.

Dijana Miličević, profesorica Srednje građevinske škole Mostar

Ovo je, po mom mišljenju, fantastičan projekat. Učenici “dvije škole pod jednim krovom” konačno mogu da se upoznaju, što je ranije bilo nemoguće zbog trenutne političke situacije. Program je uključivao teme važne za razumijevanje „drugih i drugačijih“. Razgovarali smo o stereotipima, mirnom rješavanju sukoba i drugim temama. Tačnije, sve što neformalno obrazovanje može ponuditi. Nažalost, formalno obrazovanje nam to ne dozvoljava jer smo podijeljeni, ne samo fizički, nego i na sve druge načine.

Seid Subašić, učenik Srednje mašinsko-saobraćajne škole Mostar

NDC je dugogodišnji partner Ministarstva obrazovanja i cijenimo sve što rade za naše učenike i nastavnike. NDC je uspješno realizovao niz projekata u svim školama u kojima je prisutan problem „dvije škole pod jednim krovom“. Velika mi je čast prisustvovati otvaranju Nansen učionica širom Hercegovine, koje će biti mjesto druženja naše djece i rada na promoviranju mira i zajedničke budućnosti.

Rašid Hadžović, ministar obrazovanja, nauke, kulture i sporta Hercegovačko-neretvanskog kantona





Alekse Šantića/
Tvrtnka Miloša 19
88000 Mostar
Bosna i Hercegovina



t: +387 36 327 459
f: +387 36 327 458



office@ndcmostar.org



www.ndcmostar.org



facebook.com/NDCMostar